

重刻確菴曾先生西蜀平蠻全錄卷之七

公移

檄文七十一



爲軍務事據天全土婦馬氏領兵一千名到院及查  
近據監軍道稟稱張叅將數稱麥易踈空恐賊由頂  
冠山出犯長戎乞發兵劄守等因除撥發前去外合  
行知會爲此牌仰該道官吏即便行令叅將張澤統  
領前兵押發頂冠山屯劄進剿仍聽該道鎮隨便調  
度策應并行分守道照例支糧施行毋得違錯未便

七十二

平定縣志 卷之十  
爲軍務事照得大兵已集利在併力齊攻目今遷延不進甚屬非計除本院不日撫臨躬督外爲此牌仰監軍道即便會同該鎮及督同文武將吏乘時奮勇直搗九絲蠻既就俘卽選委精兵一營剗定城上然後分遣各將搜剿菁林務在首惡盡除不許殺降不許殺老弱婦女幼男務體此意如有臨陣退縮傍觀逗遛及妄行殺戮者就便據軍法正罪梟示毋違毋錯

七十三

爲軍務事看得大兵征蠻只誅首惡今阿大巴已降待

以不死惟阿二欺心逆理尚據九絲方三係高縣百姓亦敢黨叛肆惡不知死活雖釜底遊魚立見靡爛俱帶累各蠻甚多殊可憐憫爲此牌仰監軍道卽差曉事有行止通老持牌諭蠻或早將阿二方三擒斬送下卽免屠城或下來引兵上城共擒二賊或早求生路赴院赴降如再遲疑一體剿絕

七十四

爲軍務事票仰監軍道官吏卽令通老黎朝佩黎朝冠領降夷阿大羅萬良阿略并降蠻中有情願報効者俱令同到慶符縣投見聽本院分付發營立功超

平蠻金 卷之廿一  
敘如或阿大在營殺賊卽令伊男赴見母違

七十五

爲軍務事照得九絲叛蠻在昔俱是戎縣百姓一向不知

朝廷法度虜殺官民攻劫城堡今奉將天威特行征討尚望蠻能悔禍示以求生之門乃今大兵壓境猶敢嬰城抗拒又且恣橫無忌虜我驛丞殺我糧夫及我土兵是蠻蠢終無悔禍之日矣除已降如羅萬良阿大阿略等行議題授長官司以示優容外其餘叛惡合行申令各營力行盡剿爲此示仰大小官兵人

等知悉如九絲城上都蠻一月不滅圍困一月一年不滅圍困一年各漢土官兵各皆奮勇抒忠堅心竭力務搗猿獠之穴必誅豺豕之群使首惡如阿二方三等悉行擒斬以收全功班師之日將領陞賞軍兵重加犒勞各宜報答  
朝廷自求恩賚毋失機宜特示

七十六

爲軍務事牌仰鎮雄府土舍隴清卽將領到各兵聽該道總兵衙門分發得二得羅屯劄遵令進止奮勇殺賊本舍務宜赤心圖報鼓舞各兵協力用命盡收

首惡以膺殊賞以憑優敘卽今分割信地已定毋令各兵交通縱賊往來致有疎虞及觀望逗遛違誤軍機有負効用通干軍法不便

七十七

爲軍務事照得調到漢土官兵十三萬有零必有肯爲先鋒攻上九絲爲第一功者各營懸賞銀或一萬兩或二萬兩正爲先鋒而設若能攻上者卽當以此銀賞之恐各兵觀望未有憑據反致誤事今本院與總鎮及監軍道共畫押一牌傳取各營結狀如有情願認爲先鋒攻上九絲者卽具結畫押呈來以憑會

同分調策應其願爲策應者不必具結但聽總鎮調遣各毋遲延又有所推諉自干天憲神明殄之

七十八

爲軍務事准總兵劉顯手本及據郭總兵揭帖稟稱奉主將密令初一初二初三不分晴雨併力齊攻三日後另作別計隨據監軍道稟稱初一日總鎮劉攻上二層崖郭總兵攻上二包坡此見號令一出卽有効驗併攻之力尤不可誣但三日後不知更作何計合再督勵爲此牌仰該道官吏卽行各營領兵官知悉目下天雨晝夜當防一待天晴務要同心協力

平蠻錄 卷之七  
四  
整齊行陣精選衝鋒刻定日時併力齊攻一鼓一砲  
進則齊進一鉦一柳止則齊止如有黑夜攻襲亦必  
八回應援奮勇先登者即時給以重賞臨陣退縮者  
卽以軍法斬首各營將官不奉令者據實叅呈施行  
毋得延緩觀望及坐視不行策應致誤事機罪有攸  
歸未便

七十九

爲軍務事訪得叛蠻阿二往來阿大處設謀俱由郭  
總兵信地出入今本官所領兵數不爲不少何故逗  
遛不進况隴清兵當時原未作數即使未到亦當過

河劄營待到日分撥豈得擁兵觀望不加隄防爲此  
牌仰該道官吏卽便行問郭總兵何故不行過河屯  
劄坐待隴兵延緩卽今狡賊往來設謀又何不卽撥  
兵把截要路明白速報以憑施行毋得遲緩未便

八十

爲軍務事照得九絲原議懸賞銀三萬兩以先破城  
者爲第一功多給懸賞續上九絲者爲第二功量給  
懸賞其在城下獲功者爲第三功不給懸賞斟酌已  
當又查賞功事例每顆定銀十兩今照前項叛蠻若  
有官兵一枝衝上蠻卽四面奔逃其在城下獲功者

實藉城上之力合行分別查給爲此牌仰該道官吏  
卽行各營官兵知悉如有先登九絲者除懸賞照前  
分給并官員以首功論敘外其軍兵人等如在城上  
有功者照例每顆十兩全給如破城之後不得功級  
許將城下獲功者應給銀兩均分如城上量有功次  
者聽該道臨時酌給庶賞勸均平人思奮勇毋得遲  
違未便

八十一

爲軍務事訪得九絲叛蠻圍困已急多有偷路從天  
逢六寨洪巖落下逃去者此一路係往鎮雄地方今

隴清奮勇以四萬五千兵報効忠矣若使十兵擒一  
逃蠻卽可擒四千餘蠻不然兵來雖多蠻自向彼地  
方逃去此前門驅狼後門走虎非隴清之責乎識得  
緊關去處不費許多力氣密切牢計施行不許怠忽  
貽悔爲此牌仰土舍隴清卽便遵照毋遲

八十二

爲軍務事照得山都叛蠻惡貫滿盈雖經已破巢穴  
但尚多逃入水都四鄉容留藏匿甚爲可恨未忍多  
誅姑行切責投獻爲此牌仰監軍道卽便選差通老  
齎執火牌前去水都四鄉曉諭各蠻知悉務將收留

山都惡蠻卽時擒綁送官乃見真心向化仍行犒賞  
若仍前黨庇不卽送出或將被擄漢人斬級塞責者  
定行發兵一併剿滅毋得執迷自貽後悔特此示諭

八十三

爲軍務事照得本院擬登臨九絲議處善後據道鎮  
節稱搜捕餘寇未絕道路未及開通不便駐劄除另  
行外但毋猪寨係是郭總兵招降及分定信地責任  
獨專不容推諉目今奏報亦難再緩及照官兵連次  
攻戰勞苦所據九絲賞功銀兩合先給散并行清軍  
分守二道前來集議善後事宜外爲此案仰該道官

吏卽便會同二道在營集思廣益殫慮悉心濡忍胼  
胝之勞寧耐霧露之苦商確停妥擬議詳明會呈兩  
院庶上可以奏報

朝廷下可以永安百姓大征之舉不負而共事之功  
不朽矣其應該懸賞銀兩該道分別已爲不爽就便  
會同分散有不遵依卽便曉諭九絲懸賞三萬兩以  
盪平而言非爲衝鋒各營懸賞銀不等以衝鋒而言  
非爲盪平卽今何營衝鋒果否盪平自有節行牌案  
及該道臨時躬核可據其各營已前動過懸賞銀俱  
當以主將一營爲例其餘多動者要見有無與功相

當卽今母猪寨在各蠻有俯首聽命之心在各將懷  
有挾而求之意應該作何懲治其奢効忠委邵明邦  
等坐鎮落武等處都蠻作何下落俱聽該道便宜徑  
自會同施行漢土官軍有頽惰觀望誤事藏奸者卽  
便拿赴旗牌前處斬示衆母猪寨旣破應否各將分  
任搜山遵 旨務期盡絕又各鄉漏匿殘蠻該道應  
否出給火牌招出安插俱毋違錯未便

八十四

爲銷算衝鋒銀兩辯明心迹事據原任郭總兵稟稱  
據把總呂崇舟徐軻劉汝悌等稟蒙總鎮分散懸賞

銀三萬兩云除將今給銀三百兩繳回仍欠五百三  
十五兩願以擒獲首惡功次扣對還官等因到院看  
得本官用費銀兩雖多但其始劄蠻寨腹心繼登尖  
峰險地若非重賞誘降鼓舞兵士何以致收全功據  
其所獲功次已在千百之外似難與各營槩論且地  
方善後事宜劉鎮經略旣定之後非本官誰可代者  
况此番本官協心併力忠勇難誣相應酌處爲此案  
仰該道官吏照案事理卽將郭總兵應追賜賞銀八  
百餘兩會同該鎮酌量彼時事勢應否准與開銷再  
一議報以憑施行毋得違錯未便



八十五

爲軍務事照得各司土官平蠻收功本擬於敘府宴待之外另加犒賞酬勞近據酉陽宣撫冉維屏呈稱當卽赴府叅謁但恐各兵無人鈐束致有騷擾緣由到院批免前來及行敘州府通將各司官舍花段宴席解營給領外看得宣撫冉維屏馬斗斛奉調不避炎暄文移每見恭慎督兵奮勇直前遂致大收全功具見抒忠報國本院深所賞愛合行特加優獎爲此牌仰該道官吏照牌事理卽查後開給賞各司官舍銀牌字匾花段等項於重慶府動支官銀製造候過

府給領取印信領狀呈繳并支過銀數報查如各土官在途不加鈐束兵有騷擾者不許支給仍從重叅究併功次除革毋得違錯未便

除行兵巡上川東道於重慶府造牌置匾特加重獎及候具題優敘并差旗牌官秦松宋鎮擎捧令旗令牌督押外牌仰宣撫冉維屏卽將後開銀牌字匾花段到府照數收領本官沿途務要申明軍令嚴令目把人等約束各兵照依編定號數通融坐船啣枚而去不許毫髮騷擾倚強多占船隻辱激職官百姓及擅動民間一草一木庶上不負本院優待下不失本

官初心如有故違前功盡棄定行從重叅拿不貸  
計開

給賞宣撫冉維屏銀牌二面重二十兩杼忠奮  
勇平定都蠻字匾一面銀花二枝紵絲二疋  
花段共折銀八兩

石砭宣撫馬斗斛忠勇平蠻字匾

平茶官舍楊正宗忠勇先登字匾賞同前數

邑梅長官楊通承銀牌一面重二十兩盡忠平  
蠻字匾一面銀花二枝紵絲二疋花段共折  
銀六兩

石耶土舍楊正魁

石砭土舍馬邦文同

八十六

爲軍務事據監軍道呈詳九絲地方各處險寨俱已  
盪平所據酉陽石砭平茶邑梅石耶天全等處土兵  
請乞班師等因到院相應准從犒賞發回爲此牌仰  
旗牌官即便擎捧令旗令牌督同原押指揮千百戶  
等官并各土官目把人等嚴諭各兵支領行糧犒賞  
明白沿途遵守紀律不許生事騷擾及擅動民間一  
草一木違者輕則網打割耳重則綁赴旗牌前斬首

示衆監軍道仍預期宣諭知悉本官押至江安縣與原差旗牌官交押明白方許回銷毋得姑縱通取罪究不貸

軍門示諭 官兵有犯令者卽綁赴旗牌前斬首毋違

八十七

爲軍務事照得落武落拘等處蠻孽原係宣撫奢効忠收降今九絲平後一月何不早出投生尚敢潛箐悖逆以致道路尤未疏通此乃本官經手責任若或止以招撫塞責漫無下落將來略有驚擾本官不惟

獨當其罪抑且盡棄前功蠻心難測國法難容合行督責爲此牌仰宣撫奢効忠卽查落武落拘等處蠻黨若係招降須要主將呈認并取本官自認印信甘結各頭目不致貽患結狀一面申報本院一面申報道鎮會同酌處若本官不敢擔當具結亦要聲說明白速報以憑處治施行毋得含糊延緩自貽後悔未便

八十八

爲軍務事先該本院遣發火牌行道鎮督率文武將吏攻克九絲之後選委精兵劄定并已降設官外餘

平蠻錄 卷之七  
卽分遣官兵搜剿菁林務在盡除首惡去後合再申  
飭并頒懸賞爲此牌仰該道官吏即便會同該鎮示  
諭各營官兵知悉俱要奮勇併力破城之後聽該鎮  
撥定精兵劄守其餘將領官員務要鼓作軍兵悉將  
奔逃首惡分頭搜捕盡絕除功級銀照格給賞另以  
每一百名顆懸賞銀二百兩陸續預先呈請支發仍  
禁不許殺降并妄殺老幼男婦冒功搪塞如九絲平  
後敢有不奉本院及道鎮衙門號令先回者該管官  
員所獲功次盡行勾除仍究罪不恕

八十九

爲軍務事據監軍道稟稱總鎮劉 差降蠻阿惹等  
入山哨探親見阿大等二三十蠻潛藏在林該鎮稱  
毋猪寨事完即可搜獲等因又准該鎮書稱萬山深  
箐難搜盡絕卽土兵紛紛稟告班師目今大功已成  
餘黨只宜開恩招撫等因各到院看得擒賊先擒王  
乃爲勝算今餘孽雖經擒斬頗多至於阿大阿二方  
三係節題本內首惡稱王倡亂荼毒生靈乃神人所  
共憤者三人俱逃將來賊情反覆不免欺  
君罔衆之罪此本院與該道鎮身任其責不得不爲  
深長慮也爲此案仰該道官吏即便會同該鎮從長

平蠻錄 卷之七  
熟計務將賊首三名擒斬方爲全功其餘黨孽姑聽  
該道鎮會同諸將議處安插如欲卽爲班師日後作  
何計策作何處置可保再不叛亂且班師之後鎮守  
之責仍在主將分守之責仍在各將緣不奉  
明旨定奪誰敢輕脫干係若果議設衙門議設官軍  
犬牙相制犄角相維各得要領然後可以不慮餘黨  
且得長治久安案到卽議明白速報土兵應發回者  
陸續限以日期不宜併發仍行預報以憑差官督押  
施行各毋含糊遲延未便

九十

爲軍務事照得平蠻善後先該本院通行道鎮等衙  
門集議及牌行首清疆界去後今照目前經理如清  
界限勘田土修城池建衙門立墩堡開道路并定軍  
數以便防禦分約束以嚴責成皆不容一日遲緩者  
若候併議呈詳未免延悞及專委小官幹理終難濟  
事相應摘行議處爲此牌仰該道官吏卽日會同分  
守道并總鎮衙門及郭總兵張叅將先將前列數事  
上緊從長熟議停妥分定各將官管理庶有專責作  
速具報以憑施行其各項未盡事宜不妨陸續議詳  
毋得遲緩未便

爲軍務事照得防守官兵已有定數各倉糧米積貯數多合先酌處爲此牌仰該道官吏即便會同兵巡下川南道并前帶管分守上川南道及各將官面議前項糧米某倉實在若干今坐支官軍若干各兵是否仍照舊例月支四斗五升照數存留備倉其多餘之數應當作何處置并應否賑給六縣被害人民免致腐爛無益實用速議明白具由通詳以憑施行毋得遲緩未便

爲軍務事據監軍道稟稱各土司官兵赴府領宴但慮兵見無主定多放肆乞將宴席花段解營宴賞等因到院甚爲有見合行支發爲此牌仰該府官吏卽將酉陽宣撫冉維屏石砭宣撫馬斗斛平茶官舍楊正崇邑梅長官楊通承石耶土舍楊正魁石砭土舍馬邦文各宴席花段銀兩俱星夜差人解送監軍道給領施行其天全土婦馬氏土舍高恒楊萬盛候過府徑給具數目報查毋遲時刻未便

爲軍務事先該本院牌行宣撫奢効忠查落武落抄

等處蠻黨若係招降須要主將承認并取本官自認印信甘結及各頭目結狀申報酌處去後延今日久未據回報看得前項地方係是叅將管轄信地合行督責議處爲此牌仰叅將張澤即便查問奢効忠原招落武等處叛蠻既奉本院牌行如何不速回報目今應當作何處治可免貽害地方速赴監軍該道并主將處商議停當上緊具報以憑施行毋得含糊苟且爲小失大自干法典不恕

九十四

爲軍務事照得地方蕩平班師伊邇所據各倉糧米積貯數多合行酌處以免滯爛爲此除已支銷者另行清查外牌仰該道官吏即便速委能幹官員親詣各縣各倉將收貯糧米逐一分別上中下等則將上等者責令經手人役如法守支中等下等者應該作何處置速議通詳以憑施行毋得遲違未便

九十五

爲軍務事照得地方蕩平各處山寨宜更定美名以新耳目爲此牌仰該道官吏照牌事理即將九絲城改名平蠻城印霸山改名文印山內官寨改名武寧山弔猴山改名降蠻山鷄冠嶺改名金鷄嶺凌霄城

平蠻錄 卷之七  
改名拱極城黃土坡改名盪蠻坡其餘應改者該道徑自定改速令匠作各於本山寨高處或磨巖或勒石大書題寫明白通行曉諭遵照施行俱毋違錯取罪未便

九十六

爲軍務事照得驛丞董思明奉委軍前被賊執去今九絲蕩平已久竟無下落殊可憫恤合行議處爲此牌仰該道官吏即便查議本官應該作何優恤并有無家口在驛照例請給應付還鄉仍於敘功文內一併議錄具由通詳施行毋得遲違未便

九十七

爲軍務事據布政司清軍道稟稱敘州府收監叛蠻放火反獄今俱殺死禁中但城守空虛請乞查發官兵防守等因到院看得擒獲都蠻本係豺虎昨乃先行梟示正恐生奸然猶未忍一時槩誅不意獸心叵測幸有該道彈壓彼中旋從撲滅寔爲天速其亡爲此牌仰該道官吏即將差官齎到令旗令牌便宜從事除已登時殺死都蠻一面行府清查明白回報其餘在監及續解投到生擒應解省者作速差官牢固解省應處決者即便委通判丘梁知縣許一德審明



陸續處決其紀功道文書卽赴該道投收拆看徑自施行應變賣者行府縣照前票行又該府掌印官另候明文方許入山今發指揮丘承業回府督同敘南衛千戶顧節葛應武并取到瞿塘衛鎮撫全一本于繼勳嚴令將發來軍餘四十名及該府見有打手二百名并地方人夫等項協同領管嚴令晝夜加謹巡邏護守應用押解赴省官員卽選擇鎮撫一員管解以後在山生擒本院另行紀功道止解候撫臨處治俱毋違錯未便

九十八

爲軍務事據督糧守巡下川南三道呈奉本院鈞牌照得各處土司官兵各衛縣軍兵鄉勇等項前來征剿叛蠻今已收功所據事寧之後例應犒賞發回合行酌議仰道會同督糧監軍二道查議云各得實惠矣等因到院該本院批銀兩行敘州府解發餘如議施行其永寧只除得空外聞亦不必經長寧自有徑路可再一速議以憑號令此繳曾可耕將入 覲以袁邦彥代之批行去後合行支發爲此案仰該府官吏照案事理卽於軍餉銀兩動支四千兩差官分解內將一千三百兩發長寧縣聽委官成都府通判袁

邦彥榮縣知縣張九思專駐長寧縣支散又將一千三百兩發珙縣聽邛州知州趙方立洪雅縣知縣王之緒專駐珙縣支散又將一千兩解交委官同知容朝望知縣張聯奎犒賞鎮雄士兵又將四百兩解交經歷王慎判官胡若水犒賞永寧分割得它弄兵各候班師之日給賞完日造冊繳報餘剩銀兩解還府庫施行俱毋違錯未便

九十九

為軍務事照得各小寨既破餘賊逃匿者亦皆無名小蠻即如該鎮議行安撫蓋殺伐之後略施恩澤亦

自無妨但今日大征專為阿大阿二方三三首已獲即可完事三酋未獲何必另議用兵豺狼當道安問狐狸舍有名之大惡求無名之小惡不憂網漏渠魁却憂妄殺良善諺云孤沙抵水亦見其不智矣為此牌仰該道官吏照依先今案內事理即便會同該鎮一面設法購求三賊一面相度地勢設立衙門一面議散士兵分定期限俱先行具報以憑施行此外非本院所與知矣俱毋違錯未便

一百

為擒獲蠻王事據四川布按二司清軍守巡下川南

平蠻錄 卷之七 十一  
三道呈據官兵吳鯨等生擒蠻王阿二解院查審明實合發收監為此牌仰該司官吏照牌事理即將發下首惡阿二牢固肘鐐監候遵聽具題明文施行司獄官吏干係不細務要日夜經心防守供養毋得疎忽致斃自取重究不便

百一

為軍務事據經歷王慎呈報准宣撫奢効忠手本九月二十六七日發兵盡將落武落拘蠻寨攻打焚燒各蠻弔猴岩囤上本職搜山擒斬功級七十二名顆等因到院看得弔猴與落武落拘原不相干若効忠

行剿必由主將効忠得功必報監軍今道鎮並無一字止關行經歷具申此申何據中間必有隱情殊違法紀况前蠻赴永寧投降之時及効忠許降之後本院屢詰其何不開報及行問叅將回稱有計在後審問差來目把亦稟云待後區處又訪本官同撫夷官邵明邦將叛惡阿賽阿黑阿貢阿開阿介阿留阿長阿瓮阿打招撫在身未見下落今効忠既於前地漫不分明却將弔猴岩之功抵坐落武落拘且此地二千餘蠻豈是七十餘功可以搪塞若非市恩養亂必是受賄容奸豈惟孤負本院優待之初情且復干犯

朝廷森嚴之重辟本等之爵土可惜分外之陞賞不輕爲此牌仰該道官吏卽查落武落拘得它等處如已經停妥便速行具報若尚猶豫未克上緊會同該鎮議處並問奢効忠因何輒將此功搪塞及阿賽等作何下落火速查明文到卽報毋再遲緩未便

百二

爲軍務事節據監軍道稟稱各險寨俱下首惡就擒一時平靜地方幸甚及稱散漫餘賊該總鎮劉 執稱蠻勢已窮急之必四散及貽後害緩之當自來徐有所處該鎮願以地方大事盡付與他決保無虞又

稱土兵勢不可留議定十八九日撤兵省餉等因到院看得險寨盡破蠻首已擒土兵議散決不可留搜捕太急又屬無益該鎮旣以身任其事決保後日無虞相應准從隨便經理爲此牌仰該道官吏卽將營中應撤應留官兵俱聽議定日期分發但該鎮急當刻日大建總鎮衙門於黃土內官等處駐劄以便彈壓并暫設四堡於九絲城都都寨印把山鷄冠嶺分兵防禦然後次第經略別項若或撤兵之後又出上羅計舊處駐劄本院決不敢保該道亦不敢保須取該鎮手本的確回報以便具題事干重大軍情務須

慎終如始毋得含糊輕易以貽後悔未便

百三

爲軍務事查得九絲地方旣已掃盪所有東西南北地界正宜及時清查以便安置防禦爲此牌仰該道官吏即便會同該鎮先將四至處所委官定立界限明白畫圖貼說送院查閱一面鑿山或豎石題寫明白施行毋得遲緩視爲不急之務未便

百四

爲擒獲蠻王事據清軍守巡下川南三道呈差千戶耿應元并總鎮差哨官盛子貴押解生擒蠻王方三

到院查審真實合發監候爲此除令原差官解領押前去外牌仰該司官吏照牌事理即將發下蠻王方三牢固監候用心看養晝夜加謹防範聽候具題明文施行如有監斃司獄司官吏并刑房該吏一體抵罪不貸具收管繳牌

百五

爲巡撫地方事查得太平長官司先年克平題准遞年額納瀘州衛倉米一千石布政司並該道冊籍可查後來含糊隱匿有司莫知稽考卽今九絲盪平更治之始合行清查追納以供軍需爲此牌仰該道官

吏卽便會同兵巡下川南道嚴查太平長官司原題額納瀘州衛倉米係於何時何故隱匿不納應否仍舊追徵或就近改納新建衙門以克屯守官軍糧餉作速清查明白具報以憑施行毋得遲緩未便

百六

爲軍務事看得九絲城破後已經四十餘日至今餘賊未盡搜捕地方尚欠處分奏報遲延使

朝廷之上久切懸望甚非人臣小心之義事難創始亦難慎終有功非貴保功爲貴各將或生驕矜或分彼此或涉含糊或甘罷軟不思錢糧重大士卒艱難

當早爲一勞永逸之計清查戎縣之舊地以便安插計處真降之善惡以便招徠此該主將與郭總兵專責本院卽日題明主將只待衙門建立道路開通九絲城中與腹裏無異方許回京大用郭總兵係是本土還以舊職協同鎮守主將去後卽可交代縱有別用亦當終身鎮此一方本院誓以血誠叩天當蒙俯允今日若一毫措置不當後日懊悔必遲

朝廷何負於文武衆官每每文武衆官孤負

朝廷貪圖無盡罪當萬死其宴待一節應否從緩抑且就近宴於山中以示慰勞其功次文書定是何日

平蠻錄  
可到立等具奏不容仍舊遷延爲此案仰該道官吏  
卽行守巡下川南道并該鎮一體查照施行各毋違  
錯未便

百七

爲軍務事照得本院撫臨珙縣一切隨行軍兵并跟  
隨文武等官人役俱與在營官兵事體相同今訪該  
縣邑小民貧並無米糧發賣各兵何以度日合行酌  
處爲此牌仰分守下川南道官吏卽將隨從本院并  
各官人役一一查出分別動支本縣糧米犒賞以免  
枵腹卽刻具報施行毋得遲違遺漏未便

百八

爲軍務事照得各寨叛蠻係奉  
明旨悉力盡剿又該本院仰體

朝廷浩蕩至恩止將山都惡蠻剿殺其餘姑與維新  
今據該道稟報毋猪寨弔猴岩都得金叛蠻逃於天  
蓬六寨落武落拘印杷山丁丁白所者逃於水都等  
處請乞明文等因到院看得天蓬水都各夷不行安  
分守法乃敢窩留叛黨罪惡益重法當誅剿姑行嚴  
責解獻爲此牌仰該道官吏卽便選差通老齋執火  
牌前去各寨宣諭

平定縣志卷之七  
三十三  
朝廷殺伐利害許將收留叛蠻作速自行擒綁解官  
准免本罪仍照格一體給賞若仍執迷黨護延緩不  
卽解報卽便另議提兵一併剿絕毋貽後悔未便

百九

爲軍務事據監軍道稟稱天蓬六寨水都四鄉尚候  
裁示進止等因到院簿查先該本院看得各寨叛蠻  
係奉

明旨悉力盡勦今毋猪寨弔猴岩都得金叛蠻逃於  
天蓬六寨落武落拘印杷山丁丁白所者逃於水都  
四鄉互爲容留法應並剿姑行該道鎮許令解獻另

議去後今據前因合再甲嚴爲此牌仰該道官吏卽  
便會同該鎮查議前牌申諭之後天蓬水都各夷曾  
否擒綁解獻再一叮嚀曉諭勒限解官悉與免罪仍  
加重賞若或冥頑如故展轉支吾延緩我兵卽一面  
呈報本院另行催督大兵槩剿施行毋得延緩未便

百十

爲軍務事嘗聞古之名將每大征後將斬馘屍骸尋  
積一處起爲高堆名曰京觀今照九絲破後狐鼠就  
戮者其數頗多事竣亦應倣此旣彰天朝殺伐之威  
又恤人間暴露之慘爲此牌仰該道官吏卽便會同



平蠻錄  
該鎮委官選令軍兵若干名通將陣前斬過屍骸盡  
行收聚用土高厚掩瘞立石標名完日具由回報施  
行毋得違錯未便

百十一

為軍務事該 蜀府差官齎送軍前穀價銀一千兩  
到院合行發營懸賞為此牌仰該府官吏即將差官  
解到前銀一千兩照數驗收差官解送監軍道發該  
營委官收貯就聽該道示諭各營奮勇衝鋒官兵知  
悉有能首先登城者除原議懸賞外就將今發銀兩  
分外給賞以見 蜀殿下仰體

朝廷除害安民至意及同心共濟之雅具收過緣係  
回報毋得違錯

百十二

為集議善後以裨安攘事照得九絲巢穴今已盪平  
雖除既往之兇殘尚餘將來之釁孽蓋一時之功不  
足取快而百世之計所當永圖若不諮諏於衆論之  
公何以商求乎一定之計除本院登臨九絲公同各  
官詳議外擬合先行訪問為此案仰布按都三司守  
巡下川南道并該司官吏照案事理即將發下書冊  
分送按都二司各道會議即便斟酌古今之宜參伍

平蠻錄 卷之十  
漢夷之俗要害作何控扼官軍作何營屯田土作何  
區分衙門作何建立降夷作何鈐束汚俗作何消鎔  
務在用夏變夷長慮却顧但取久遠而無惜於目前  
亦必寬徐而無傷於迫狹庶兵革不至於再試豺虎  
不至於再驚使六縣老幼得終其天年而三蜀黔黎  
無愁於徵戍斯地方之大幸矣作速詳議具報以憑  
採擇施行毋得草率塞責延緩未便

百十三

爲軍務事看得九絲都蠻雖已蕩平日今設立衙門  
爲急除行監軍道會議外但事須慎始用在得人爲  
此牌仰分守下川南道即便會同監軍道作速行委  
推官吳文全知州羅向辰經歷陳忠王慎聽監軍道  
會同該鎮帶領踏勘地形商求機要或建府或設所  
或立官或領田或修路或伐林一一務爲長久之計  
秉公持正熟思審處使控制得宜緩急相應畫圖貼  
說具報以憑奏請施行毋得忽略草率有誤大計不  
便

百十四

爲軍務事先該本院看得官兵擒解叛蠻在途稱脫  
逃在監稱反獄宜當速誅以免他虞隨差官齎捧旗

平蠻錄 卷之十  
牌發清軍道在府將解到壯蠻隨便處治去後看得各蠻逃脫反獄皆由吏卒解人踈虞所致未可因噎廢食目今大功將竣所有生擒稱王首惡并孽黨壯蠻俱應仍候

明旨典刑庶於事體穩妥除行紀功道將驗過壯蠻解發敘州府監候陸續差官轉送巡按衙門審發按察司監候外爲此牌仰該道官吏照牌事理卽將以後解府壯蠻行令該府嚴諭司獄官吏獄卒加謹防範陸續起解赴省施行不得使之速斃取罪未便

百十五

爲軍務事照得二軍之命懸於主將

朝廷命將出師奉

明旨專責在主將得操生殺予奪之權固當至公至正如不公正自有本院覺察非諸將羣下之所敢議也今九絲已破一應功次當候監軍道呈稟及本院斟酌決不虧枉公道乃今餘賊未平各將不思全始全終協心併力爲地方永除禍患却且爭功爭賞有如訟訴甚屬欺慢

明旨大不敬本院痛恨極惡之爲此牌仰監軍道卽便傳示各營官兵知悉在主將誠不必自居其功其

實各將之功皆當歸於主將除懸賞月糧聽該道查明徑給外如再不候該道有行輒行驀越赴本院妄陳功次不以乘勢搜山爲急者卽係悖逆無上之徒雖有前功決不收錄仍行從重叅拏重究決不虛示並行主將申嚴軍法速殲兇渠以成全捷毋得因循誤事未便

百十六

爲軍務事照得母猪寨延久不破主將不能辭怠緩之責各將不能免逗遛之誅除未分懸賞銀兩分別功次自有本院主張外其近日頒發火牌內開母猪

寨弔猴岩都得金懸賞銀二千兩及又另解銀兩去後合行陣前給賞庶不逾時以鼓士卒爲此牌仰該道官吏卽將前發懸賞銀二千兩委官解隨陣前眼同諸將封明待各兵攻克之後卽照原議該道登時自行分別給賞尚有餘銀許道鎮隨便支賞毋得不公傳諭各營官兵知悉上緊奮勇攻剿施行若再遲延定行不敘前功從重叅究不便

百十七

爲軍務事照得九絲蕩平事功將竣所據一切原行始末及節次科臣兩院建議經略并今軍前供事大

平定縣志 卷之七 二七  
小官員効勞功罪等第事務煩瑣俱應會查的確庶  
幾激勸不爽爲此牌仰該道官吏照牌事理即便會  
同守巡下川南道通將九絲前後事情各官効勞等  
第一一細查斟酌明白并將本院節行緊要事件刪  
入仍分別應具題應行獎者作速議報其善後事宜  
張官置吏設立衙門區分田地通行博訪總議以憑  
施行毋得違錯未便

百十八

看得冉維屏領兵遠來報効攻圍蠻寨以來歷見鎮  
道開稱奮勇用命以至今日大破九絲本官之功自  
不可少不論首級多寡只論存心忠敬一體敘功本  
院決不食言况仍有餘孽未盡合再嚴諭剿捕爲此  
牌仰監軍道會同該鎮卽將一大前件事密付維屏  
幹之若能了得功仍居首其有疾合先發銀二十兩  
給與調理聽令放回毋負本院至意縱留不過十日  
半月毋得故違不便

百十九

爲軍務事照得毋猪寨都得金叛蠻原係隴清收降  
郭總兵差官坐領已有專責自不容諉落拘等處原  
係宣撫奢効忠收降又係安總兵韓似甫分定信地

叅將張澤所管地方俱係各官責任若奢効忠止以招撫塞責漫無下落將來略有驚擾本官不惟獨當其罪抑且盡棄前功又各處深林茂菁尚多藏匿叛黨仍須分布將官領兵分搜盡殄以杜後患合併申飭爲此除徑行切責郭總兵奢効忠外牌仰該道官吏即便會同該鎮嚴催郭總兵隴清速剿毋猪寨都得金等處又落武落拘等處若係招降須要主將承認并取各官自認印信甘結及各頭目不致貽患結狀申報酌處各事完日該道鎮號令各將官分投統領所部漢土官兵但遇深林密菁去處通要發兵著實搜剿務期盡殄漏逆永除後患毋得始勤終怠草率了事致使萌孽復生槩干法典徒費前功未便

百二十

爲軍務事照得盪平都蠻皆賴司道及各官匡飭與諸將効命爭先以致全捷功信偉矣若本院叨享成功愧無以慰勞諸執事所有太平盛宴又係常典義不容辭除花幣已收外其杯盤壺碗合行議處該本院於七月間夢見真武之神雲中助陣當對司道言之夢後二日偶報都蠻持長鎗大斧乘夜劫營忽見白衣巨人當道各蠻驚散奔逃枕藉甚衆所遺鎗

斧自營中得之夢則先說事乃後符似非偶然者合將舊建 真武廟再行修蓋以答幽贊蓋除此積害豈獨人謀實資神力爲此牌仰該府官吏卽將杯盤壺碗查妝明白并將前發入山杯盤等件總計若干卽日委官估勘并督匠修理 真武廟宇應動若干完日具支銷數目備細冊報查考再照驛丞董思明千戶徐子明坐營都指揮葛瓊典史張大或以陣亡或以病故均爲死事甚苦本院每一追念心痛如割合將前銀各給十兩齋送各官之家取領繳報少見優恤以慰忠魂如有存剩者還官另報以憑作正支銷各毋違錯未便

百二十一

爲軍務事看得九絲雖破工夫全在搜山搜山盡絕方稱湯平諸將湏聽主將號令不得潦草塞責除土兵另候明示查發外其有調到未久及招募各兵糧餉有餘務要照舊留用爲此牌仰該道官吏卽便臨期會同該鎮分別去留明示號令以便行事其一應田地務要丈量器械務要開報各毋違錯未便

百二十二

爲軍務事照得今次大征調兵十二萬費糧餉近五

六十萬乃二百年來未有之事據諸將平日口稱及揭報者皆云九絲城上有數萬叛蠻不愁獲功不多今訪得擒斬尚不及二千名顆餘蠻作何下落又有各首惡並未得獲擒賊擒王豈宜欺慢如此破城之後縱有逃蠻及外雖作降內實黨惡者自當乘勝刻期分投各剿一鼓而收之庶幾少蓋前愆乃又旬日之外擁十二三萬重兵逡巡一寨尚不敢動打草驚蛇已知決無多獲之理舉動如此豈不致貽笑土夷可歎可怪又聞愛惜坐鎮委曲哄蠻恐黠蠻見識原在諸將之上轉爲所哄久已分明卽今一寨逗遛如此餘寨又該用幾時開口只說萬全如今萬全何事朝廷英明在上諸將縱不念身家亦當爲子孫慮本院寔不勝憤恨不能容忍爲此牌仰監軍道會同該鎮作速曉諭諸將是何心腸是何計策大言小見實費虛功自有常刑查叅毋緩

百二十三

爲軍務事看得都蠻首惡陸續盡誅其真心投降各蠻畏死守法者合先行查處以分別善惡爲此牌仰監軍道卽便會同該鎮速將降蠻某人應授與其項官職某人應收爲某處百姓各與安插其土著有功



之人如聶永相等有無情願在內授官防守又如何  
恩阿牛等定該優敘俱宜早議停當以示激勸各母  
違錯未便

百二十四

爲軍務事據解到都蠻阿大等一起該本院親審阿  
寅執稱阿二尚在雞冠嶺林木極深處伊情願尋出  
但要官兵遠遠等候等情看得阿二殺人無厭其惡  
甚於阿大且尚在雞冠嶺營中置之不問柰何柰何  
爲此牌仰該道官吏密切斟酌或會同該鎮或密差  
官兵跟隨阿寅作速擒獲阿二以收全功毋得失誤

事機致貽後悔又據阿寅口稱方二的在母猪寨各  
宜用心擒剿毋錯

百二十五

爲軍務事據擒獲阿大差人周儉口稱同阿寅阿惹  
尋獲阿大內阿寅忠實阿惹奸險今據各報到止有  
阿惹名無阿寅名此阿惹獨居其功矣又阿寅阿惹  
俱係降蠻今解到止有阿寅無阿惹是阿寅獨當其  
罪矣叅詳前後情節阿寅老實一被阿惹之賣二被  
熊么之欺况阿二見在雞冠嶺若阿寅不說出承認  
尋獲阿惹熊么豈肯說出豈肯承認乎今發阿寅去

平蠻錄 卷之七 三十三  
尤恐阿惹熊么知覺或透漏消息或巧設機關不惟  
阿寅難以保全必併阿二難獲偏聽生奸獨任成弊  
其有害於軍旅之事豈不盛哉爲此牌仰該道官吏  
務須委曲其迹慎密其行必使阿寅不爲所害阿二  
不敢脫逃則九絲之事庶可無餘恨矣况阿大尚有  
降意阿二始終不降阿大只劄雞冠嶺阿二拒敵九  
絲且平日殺擄百姓阿二爲甚若不擒獲是漏網吞  
舟後害何時而已此事須該道着意施行毋得違錯  
未便

百二十六

爲擒獲蠻王事准總兵劉 并據守巡下川南道吳  
差把總王茂等生擒蠻王阿大到院查審明實除差  
雅黎守備孫光裕督同原來官舍軍兵押發前去外  
爲此牌仰該司官吏照牌事理卽將發下蠻王首惡  
阿大牢固肘鐐監候仍令獄官吏卒晝夜經心加謹  
看養防護聽候具題明文施行具收管繳牌毋得疎  
虞及再如阿苟故事卽將司獄官吏抵罪決不虛示

百二十七

都察院示照得平蠻城田土素稱膏腴今委官踏勘  
已明仰一應軍民但係相近土著人等有願種者許

赴守巡二道告領撥給田不作屯人不作軍但立保甲以相守助其貧乏者仍聽查給牛具種子寬以年限量徵賦稅及候定貼之日止令起取壯丁操練防守此外再無別項差役卽今春耕在邇各宜趁時種辦以安家業以守地方毋得坐失事機致有後悔特示

百二十八

爲教習夷民事票仰敘州府官吏卽將郭總兵收降送院投見小蠻二名并查各街民領到小蠻有堪教訓者俱發社學責令教讀用心訓教讀書待數年後果有進益申來酌處併教讀優賞施行先具名數發社日期報查毋得視爲虛文遲違未便

百二十九

爲查理軍需事照得都蠻已平所據各府州縣轉運過錢糧供辦過需物等項合行清查爲此案仰該司官吏照案事理卽將該司節次發過軍餉銀數造冊報查并轉行各分守道通將所屬州縣運過米豆若干用過夫船銀若干解過稅契銀若干辦過軍器硝磺魚鹽薑蒜等項各若干有無取獲實收可據其損失糧米照依議允事規追賠務要嚴限完報逐項細

查明白備造簡明文冊前列道屬各項大總後開州縣總撤數目限文到半月內送院覆查中間如有侵匿奸弊就便查究招詳以憑施行毋得含糊延緩未便

百三十

爲都蠻已平查理錢糧事照得本院自四月間撫臨敘南征剿都蠻至十一月內盪平班師所有軍前用過錢糧需物軍器等項通合清查爲此案仰該道官吏照案事理即便選委廉幹官員親詣敘州府弔取該府縣衙門并各委官收支文卷簿籍到官逐一細

心查理要見布政司總發過軍餉并各屬征解稅契銀各若干某項某件支用過若干仍有若干各府州縣總解過米豆各若干某營某堡支放過若干仍有若干買用過魚鹽薑蒜牛酒等項需物若干有無支銷明白造發過軍器火器若干有無損失足數及取獲倉庫實收領狀可據每項前列大總後開撤數備造簡明文冊一本送院覆查中間如有收支不明侵匿奸弊就便查究招詳以憑施行該道并承委官員務須用心查核毋得潦草塞責及遲延含糊未便

百三十一

平定縣志 卷之七  
三十五  
爲軍務事照得都蠻原係戎縣百姓連因歷任知縣不才或通賄賂或受欺凌或甘爲貓鼠同眠或偏聽通保局騙是以六縣百姓久遭荼毒幾無子遺獨戎縣之民猶稱未甚者則以都蠻父母之邦也可見爲之父母者若能如渤海潁川之政蠻雖狠毒豈有不可漸化之理乃計不出此致費

朝廷處分屢動大兵未得要領近方決策幸爾盪平但所盪平者乃屢次題稱山都六鄉其水都四鄉雖未出劫亦係黨惡前九絲城破後各將官俱稟請本院乘機一槩盡剿本院此心不忍又聞其各圖悔悟

願爲良民是以號令且班師而回因行司道選擇堪知戎縣者衆皆舉爾王慎又本院亦嘗聞河南士大夫稱爾可任大事是以遂破格會薦

朝廷允之此爾之遭際不可以尋常視也爾慎宜何以荅報

朝廷爲此案仰本官照案事理即便遵照務理縣事尤勝於理家事先固結良善之心徐禁伏奸宄之類興學勸農立綱陳紀其於四鄉何以改其冠服何以變其語言何以移其心志何以一其視聽保甲有無可設社學有無可建田地有無可清差徭有無可復

務要施爲得緩急之宜舉動有張弛之節地與武寧城相接者應否開通大路以便往來地與各土司相接者應否明立界限以杜影射若能一洗污惡之俗永成文物之風本官政成之時卽徑陞安邊同知亦不爲過但本院不以資格拘人在人不當以資格自限若依舊全無振作徒事含糊或苟且以飾虛文或急遽以留隱釁無裨實用有妨遠謀本官孤負朝廷人鬼交責仍將行過事件每十日馬上飛報一次以憑查考施行毋得違錯未便

百三十二

爲軍務事照得武寧山城垣先據該鎮三司各道會議周圍計九百丈內除衙門外修蓋營房一千二百間已經會本具題訖隨據守巡二道先後稟稱城垣丈數各有不同大率與原議相遠今恐經制未定且俟再議爲照原議在司道該鎮原題在兩院此其責任彼此均之故不必復有顧忌雖天時地勢人力未免臨時酌量有所增損但不宜相去太遠且城大旣可以減小堡少亦可以增多多其堡於城之相近以補城之小庶聲勢相援指臂相使亦屬通融未審果否如便卽須速議併工爲此牌仰該道官吏卽便會

同分守道并該鎮將應建城堡作速面議畫一馬上  
差人飛報上緊督工修理其合用錢糧匠作工食犒  
賞等項一面動支各倉糧米軍餉銀兩隨便應用一  
面作速估計通詳施行及道路有無陸續開通俱限  
文到三日內議報如過期延緩提吏究罪不恕

百三十三

爲軍務事照得軍前支剩米豆先據該道分別存留  
將浥爛下等者動支四萬石賑給六縣被害人民頗  
爲得策隨已批行又經明白具題權爲賑濟外近聞  
前米尚未放散今照民間青黃不接正當賑恤之時

而浥爛之糧即便依期賑給民已鮮獲實惠不知何  
以遷延至今當必盡成灰餅不惟糧米可惜亦屬賑  
濟虛文合再申行爲此除行分守巡道外牌仰該道  
官吏照牌事理即便查照原議速催委官放賑如或  
有所顧忌亦便明白聲說毋使盡數無用責有攸歸  
未便

重刻確菴曾先生西蜀平蠻全錄卷之七

重刻確菴曾先生西蜀平蠻全錄卷之八

公移

批申一

一件異省反酋等事永寧宣撫司申稱貴州土官安國亨集兵與諸司奢効忠雙殺由詳批近據大方坐鎮指揮王道行具報貴州軍門移稱奢効忠擅自興兵為安智報讐如此則是起釁在効忠而安國亨為直矣今據申稱國亨節次擄掠及近日屯兵數寨則是起釁在國亨而効忠為直矣但以本院度之國亨勢



必不敢先動緣彼前罪未除冠帶未復今正當悔悟尋思報効之時豈宜再構禍端自速亡滅此必効忠以前次奉調征討恐其報復狐疑在心思先事以防之然反使國亨得執以爲詞其計甚拙除移文貴州軍門禁諭外今仰爾効忠當一意以勦平都蠻爲心整練兵馬聽調期成偉功當蒙顯爵若國亨敢乘間竊擾卽係黨護都蠻故爲掣肘自有

朝廷正法不足爲慮若効忠觀望怠忽胡越相視不早思併力都蠻恐難保國亨不形爾之短且貽後悔爾其深思亟圖此繳

一件分定教演官員等事指揮葛瓊呈議委指揮等官徐慎等分管演習武藝由詳

批此呈尙爲晚也仰都司如其所議嚴行本官分別督演務要真心實意使號令嚴明武藝精熟人人奮勇可用官不用命者卽行稟究軍不用命者卽行細打不許空騰口說徒飾虛文臨期悞事自干叅罪繳

一件軍務事布政司呈議於本司庫貯預備軍餉稅銀內動支六千兩給委崇慶州判官

夏智漢州判官趙元吉於濱江一帶州縣  
收買大麥葫豆運軍前接濟乾糧由詳  
批起時收買麥豆可以濟糧餉之不及另委專官  
分買可以減州縣之煩勞卽如議作速委支  
施行其價銀姑以參錢貳錢爲准仍聽其查  
照各地方時值寧稍從寬以來爭赴此係喫  
緊一節恐兩州判未易集事更須行督糧道  
移駐濱江要地分投督責卽從便宜區畫船  
隻僱運乃可以齊一人心無推延紛擾之患  
此繳

一件軍務事布政司呈奉案議各州縣應解豐  
寧二倉并行濱江一帶州縣各將貯倉自  
隆慶五年以前賑穀盡數碾米俱運軍前  
充餉其隆慶六年積貯稻穀仍存留該州  
縣備賑各將原坐二倉糧米候萬曆二年  
秋成之時照數徵穀抵斗還倉以免小民  
轉輸之勞如無額坐者不必徵還等項由  
詳

批存留賑穀不必拘以六年每處只十分中留二  
三可也蓋以新穀出卽抵補矣各處不編豐

寧二倉者必編有各邊倉不論本折必有解  
戶雖不必徵完俱可令解運自該州縣起程  
亦於官銀內量給堯船夫工銀兩斯免重累  
矣其改過額該解司之銀可另以官吏等役  
代之若勸諭殷實亦是一策終恐未安如何  
又賑穀久近不同各掌印官須先躬親督碾  
一石分別年分計斗爲則毋避嫌疑致其賠  
累及有侵尅和土糠粃等弊查出通究俱限  
五六月內陸續解到敘州府本院親臨驗發  
各州縣先將米數報查如遲官聽叅該吏鎖

拏重究仍行各該道設法嚴催餘如議行繳  
一件保守地方事布政司呈奉批查議復永寧  
防守滴水落窩等哨昇日者靠等口糧由  
詳

批九絲隘兵一徹本爲節省錢糧至今每年費錢  
糧十三四萬誰任其咎且每季昇兵增口糧  
稅銀六十兩猥不肯給今調昇兵只牛酒行  
糧已將費千金矣放飯流歡而問無齒決不  
拔一毛而忍割四肢甚哉其不通也若方布  
政他事不可知謂議復昇兵口糧一節乃受

土官奢効忠之囑本院請自當之不須更究  
來歷也仰遵照作速施行繳

一狀報効事武生陳安德杜伏元率兵二百名  
投稱願於小落明屯管克爲先鋒平勦都  
蠻等詞

批壯哉二生預集鄉勇子弟二百餘名以圖報効  
姑未論成功其志過人遠矣今衛官指揮千  
百戶等世受

朝廷厚恩袖手傍觀有同尸肉爲二生供掃除不足  
用也該道審其真確拜生與子弟作速發赴  
軍前依其所請劄營小落明克爲先鋒以觀  
偉績仍隸一將官領之又據稱可再召四百  
名湊爲一營益妙益妙捐銀米養此土著絕  
勝於遠調土兵所恨如二生者不多也宜重  
賞之以勸來者卽日議報

一件軍務事布清軍道呈議賞獲功人員并議  
將所獲叛蠻阿苟等六名擬何施行由詳  
批山都蠻長阿苟世據凌霄稔惡大逆迹其近年  
殘殺百姓兇焰益張祗以召撫受欺遂致久  
逃天網今主將發謀文武協力乃不勞兵甲

坐致渠魁餘賊五名併皆梟獍率就生擒功  
委可尚總叅通判等官候併敘錄餘如議照  
格動支解賞見在押功員役該府分別酌賞  
各取領狀報繳仍會呈按院知會

一件軍務事布清軍會同兵巡下川南道呈奉  
查審各堡隘并調到土漢官兵議給月糧  
由詳

批本折之議非獨爲轉運計正求取便於各軍謂  
所欲與聚得之矣依擬守隘者本折間月一  
支行營者照該鎮議爲當然此大略也臨時

斟酌全在監軍督糧二道銀米各有餘惟所  
欲之可也此繳

一件軍務事洪通判呈議總兵郭成駐劄瀘州  
衛再乞明示聽本鎮召募兵勇充足該鎮  
統兵共五千之數於該衛操練相近戎長  
有警朝夕可至應援其本糧運由水路至  
打魚村上岸到衛止一二里委官收支庶  
官兵便宜行事由詳

批練兵定於瀘州衛募兵取之鄉勇此必於以全  
取勝者本院心喜之而募兵一節則尤可喜

緣設處糧餉已定五萬兵一年之用若郭總  
兵能募鄉勇一萬且練且勦絕勝於調土兵  
十萬此上策也不患錢糧不足其牛酒花段  
之費寧可犒我鄉勇以鼓其用命之氣甚不  
當投之士酋且示弱也要體本院此意著實  
力行務使一以當十如有求人情掛名支糧  
者查出一一殺之以求濟大事一應糧餉陸  
續花名年貌籍貫冊報支給若果皆鄉勇俱  
給折色銀以免轉輸之苦而兵得實用最妙  
汝等協心併力共垂不朽之名本院所深賴

也其餘機宜聞卽呈報

一威州知州羅向辰稟稱軍中領兵大小官員  
乞要歸聽主將其有不聽調度者許諸將  
拏戒揭由

批群策群力都當用之但須聽主將號令爲當耳  
典史祝旦爲戎縣巡捕官捕賊乃其職分若  
專統鄉老用計襲賊但旣動官兵 須出  
自主將且本院正欲重將權豈肯分其權而  
別有所任且如該州非本院所委乎其亦令  
分主將之權否也所謂齎賞協謀皆以助主

將也是又在主將能收拾人心而用之則本院可拱手翹足而俟何嘗束縛之操切之令其作難也顧人人不能盡解此意已出示嚴禁矣此繳

一件軍務事兵巡下川南道呈准原任郭總兵手本請造發部下兵勇合用挨牌器械旗布鑼鍋等項由詳

批一應增兵取用器械須主將酌定數目方得事體歸一該道宜據各官手本會議呈行乃無弊也又郭總兵係奉

### 明旨革任本院具

題本內充爲事官領兵今已有主將本官不宜稱鎮至於張叅將奉何明文亦稱本鎮事功未成而倨傲如此非本院用人之初意也示知毋僭取究

一件軍務事永寧宣撫司准土官奢効忠關稱奉調該司土兵五千名今各夷有父兄子弟同心隨跟幫助共增一萬餘名申乞驗名犒賞牛酒行糧均霑實惠鼓勵羣心等情由詳

批原調五千增兵一萬雖出土人父子兄弟相衛之情實効忠平日得人心所致而奉公趨事之勇於此益見良有可嘉仰兵巡道即查驗明白便與補給牛酒行糧內太平九姓共一千五百名二項銀兩已經先解即應改給扣算原差官速行示知免調又查得平姓二司土人素與都蠻交通先年調征受蠻斂銀納稅之賄或佯敗或暗助以致領兵者不知此弊不惟無功反遭挫衄除已往遵例姑

赦外該道卽嚴行効忠但係所領之兵務要密察隱情明示厲禁如有包藏禍心再蹈前轍者卽便陣前斬首示衆功成上賞仍與加官通行總鎮衙門知會繳

一件專將權以便總督事布清軍道呈議軍前大小文武官員俱聽主將權制聽令分布如違聽以軍法處治由諄

批將在軍君命有所不受從古主將未有權不專而能制勝者今劉鎮之權向來未嘗不專不知近日何自有紛紛之議頗聞一二小夫假本院差委而出便爾猖狂此醉生夢死之徒



不識大體幾敗乃公事本院與有過焉除一  
面訪拏外今觀郭總兵所云深達此義且俛  
馬自屈獨伸主將之權此其識度過人遠矣  
一切體統悉如該道所議刊行示諭道鎮會  
同施行欺違者或叅或拏毋再姑息又近見  
叅將張澤亦稱本鎮是劉郭張一時三鎮矣  
奉何明文今定自郭總兵而下呈揭本院及  
關行司道並稱本職以別於主將不許僭差  
此繳

一件軍務事兵巡卅南道呈議行軍中大小將

領等官廣召鄉勇收糧訓練防勦由詳

批募兵之初已經刊布告示俱送赴鎮挑選矣據  
申良是但招兵與用兵不同恐該道亦當分  
任其事但委公勤文職一員會同該鎮委公  
勤武職一員專管挑選務俱精壯嚴禁重冒  
然後冊記收糧訓練仍不時查點斯無弊矣  
照行繳

一件軍務事布政司呈議大征都蠻事宜由詳  
批都蠻荼毒六縣騷動四川旣數十年於此矣有  
識寒心征非得已所賴諸司共爲匡濟以期

底定非本院所能獨任也據議悉心殫慮籌畫精詳上兵代謀蠻可不戰而克矣俱依擬作速舉行監軍行李副使營中督餉行王叅政催督糧運行沈叅議紀功行周僉事其范副使李僉事候臨期更用多賢之助郭成安大朝劉天慶已經具

題各州縣解運糧米該司仍行督糧并各守道查照定限嚴催解納如有故違卽鎖拏該吏解院照軍法細打掌印官提究以失悞軍機論罪各衛所原無火器間有亦係不堪已經行

造敘南衛軍丁甚少戎珙等縣幾無子遺鄉兵不能濟事改於附近州縣各量抽民兵并重慶衛軍餘應用各日給口糧悉如所議事完將用過錢糧等項造冊回報大木銀兩備而不用卽徑用原有部議可憑昨行議陳叅政入

賀一節今有王叅政如何酌報

一件破格給賞以勸兵心事敘州府申議破凌霄城官兵乞要於懸賞銀一千兩之外再加優厚以激兵心由詳

批知有九絲而不知有凌霄者向來攻堅之常談  
先克凌霄而後併力九絲者今日攻瑕之定  
計且凌霄乃九絲之門戶數日間奮勇克破  
我兵得而據之以臨各寨實有建瓴之勢頓  
使諸蠻膽破其功次於九絲而十倍於都寨  
全勝之功實張本於此往議俱屬懸斷未可  
以爲臨機應變之憑仰布政司清軍道會同  
守巡二道從長酌報知不逾時未可緩也仍  
通詳施行其都都等寨尚多亦宜預定等級  
以免數議以鼓羣心繳

一報効監生何鈺具揭稟稱遣人取出黑普岩  
頭黃土內官等寨蠻阿早阿惹阿黑阿默  
阿大等情願報功贖罪限一月內擒出大  
阿劣王小阿劣王方三哥等送與何監生  
轉報又稱阿花願挈妻子出住小落明熊  
么願挈妻子出住羅星渡召夷漢鄉兵合  
屯勦賊揭稟

批實心降者定要送當妻子安置羅星渡等處仍  
擒斬真正叛蠻方信他是實心就給牌收作  
百姓如不肯這等便不是實心不許准降只

待大兵到一齊都殺了其送當妻子只要各寨頭目真正妻子其餘小蠻但過他搬過寨就是何鈺仍聽總鎮衙門軍令用心傳諭施行此繳

一件截勦獲功事兵巡下南道呈准劉總兵手本據坐管官葛瓊督令主簿周宗恭贊畫何子宸等統兵暗伏濫田溝渚截出救凌霄叛蠻各兵奮勇生擒蠻賊阿關等四名斬獲首級二顆重傷兵勇二名議動支敘州府庫貯軍餉銀照例給賞獲功兵勇其

被傷兵勇二名各給銀壹兩以示優恤解詳

批依擬分別賞給內阿苟供稱一十四歲似尚在幼男之列量賞六兩餘四兩添賞重傷尹文威冷朝用二名阿關仍查驗明白生擒三名招報此功雖少有助凌霄其功級雖以穿耳鑿齒爲准但聞蠻近狡猾自不穿鑿反穿鑿擄去漢人使之當先此尤可恨是在臨時審辯不爲所欺可也

一件軍務事兵巡下南道呈議召募兵勇每名

先給一月糧銀使辦軍裝等項由詳

批如議速行召兵而令之枵腹守候猶欲其入而閉之門也但陸續給散所慮者月日參差恐有重冒此在委官悉心料理於不一之中而有畫一之法則兵與食兩無弊矣

一件軍務事布清軍并監軍二道呈議處決叛

蠻揭帖

批據呈叛賊十名及查對兵巡道原報擒斬花名文冊與請賞由詳止殊點五名相同餘五名但有阿六而無阿路有阿順而無阿甚有阿問而無阿穩有張慶才而無張廣才有三哥而無周三哥其三哥則又原開在幼男三十名內此事係在

天討須要詳慎妥當不容少差槩當誅者雖誤猶可若幼男誤誅後悔何及仰仍作速的查卽刻具報以憑施行

一件仰仗 威謨官兵用命計擒賊首等事布清軍守巡下川南三道呈議破凌霄城獲功大小文武官兵願錄願贖願賞等項及幼男婦女行敘州府變價由詳

批凌霄險阨都蠻所恃以橫行無忌者今官兵奮  
勇三日之間擒斬二百之外寔各文武官協  
謀併力所致而總鎮劉 謀勇身先厥功居  
多本院躬行宴待以酬勞勩以圖後効該道  
冒險督兵鼓舞士氣與總鎮俱候優敘郭總  
兵侯大勦功成與張叅將或贖或陞並從優  
敘陳知府洪通判羅知州與其餘有功文官  
通候分別併敘奢効忠九絲平日定行

奏陞宣慰仍加重賞田世威再侯有功併贖生擒  
賊犯清軍守巡紀功四道審明查例招報首

級分發梟示幼男婦女變價入官據呈犒賞  
衝鋒銀兩正合便宜并長戎二縣陸續支給  
者俱另開總撤銀數一冊印報以憑開銷以  
後准此應補銀兩照數支給各起俱取印領  
繳查凌霄城防守官兵行該鎮另議的確更  
換餘如議行一應功次通呈按院知會庫收  
領狀繳

一件軍務事守下南道呈准原任總兵郭成手  
本議請騎征馬匹不敷并添識字及日行  
紙劄等項又准指揮葛瓊呈奉郭總兵劄

平蠻錄 卷之八  
付亦同前事由詳

批郭總兵既有手本到道如何又劄付葛瓊葛瓊  
劉帥坐營官也奉何明文輒敢酌議申請甚  
哉其膽大也事體舛錯難以准從仰道一面  
行戒葛瓊紙劄等項候另議施行繳

一件軍務事守巡下川南二道呈議行各州縣  
酌量抽取民兵赴軍前運糧由詳

批民兵本以備調地方有事此輩既不得實用止  
令運餉甚當且酌衝僻以爲多寡尤見調停  
如議行各州縣抽取令各掌印官親自選編

差官勒限起解如以老弱擔塞縱令科擾及  
過期不到先將掌印官住俸別議卽鎖拏巡  
捕官該吏解究餘照施行俱毋時刻稽遲自  
干軍律此繳

一件軍務事兵巡守下南二道呈議委夔州府  
通判朱克接管洪通判催驗糧運由詳

批如議行委朱克督理但糧餉重務師期已迫本  
官宜銳意催餉敢有抗慢悞事者卽據實叅  
究毋得姑息有負重委繳

一件軍務事布政司清軍兵巡守下南三道呈

會同將領將大征事宜覆議分布哨道隨營委管餉米數目倉口背運夫程及器械犒賞懸賞等項酌議僉同開款由詳

批據議成算已定虜在目中矣卽通行各文武將吏知會以便分管預圖劉天慶一營恐貴州多事難以赴調卽求其人以更之遊兵一節臨時固所當設而平時尤不可無斷未有聽蠻出入交通決溝修寨而全不一加巡警以驚亂其耳目只待臨時方行困守一計者此似胡越人之談無心於制敵者本院所不解

也該道試再思之此繳

一溫江知縣沈植揭稟點選過各將領等官召募新兵連前在五千之外內祝典史召集右夷兵七十名係戎縣素與賊通今率降蠻投兵有畏威悔罪之意議各預支月糧一月使辦軍裝等項揭帖

批今已六月矣各將領方造支四月之糧軍士焉得而不苦不此之恤而惓惓於增糧之講甚哉其可恨也今已專有行選能幹賢官二員協同六縣掌印官分投照月給散軍士仍與



平糶金  
預支一二月度幾軍受實惠不致怨咨而官  
無所藉口矣所謂速給月糧軍心嚮應甚爲  
得之非有真心任事者誰與共此餘并如議  
行此繳

一件軍務事布政司呈議速本院公文類差總  
投宜賓縣至簡州一帶免設塘馬其敘南  
至管宜每四十里設馬三匹請乞批行分  
守道於敘州府附近州縣編取由詳

批前議大征不必用馬良是但各營調度機宜往  
來走報聲息非馬不能速達本院已酌量於

通省州縣派取九十匹赴用事寧發還自敘  
南至管議設塘馬業已行守道矣如議宜簡  
一帶驛站不必增馬省城各衙門差人宜益  
從撙節爲便繳

一件軍務事守下南道呈議委溫江知縣沈植  
榮縣知縣張九思督放兵糧并議各官月  
用紙劄等項由詳

批沈植張九思如議委用此係兵糧重務二官務  
宜悉心幹理稽察奸弊體恤軍情毋負擇委  
至意但二官係總領至於分管給散之官亦

不可不速為處派使之遵守餘照行繳

一件恭議建廟以益地方事敘州府申准郭總兵捐銀三十兩該府捐銀二十兩修建巡

撫汪 神廟由詳

批近日凌霄大捷宣惠侯與有神助不然當未能如彼之速且易也委應建廟崇祀以彰明報且本院適來之夢若有符合者如議修葺仍動本院贖銀三十兩助工繳

一件行查邊情事兵巡下川南道呈蒙按院行查都蠻叛亂始末併將近議鵬勦大征及

議處軍餉并改運收買米銀等項通行呈報由詳

批據詳鑿鑿征蠻之始末備矣如所謂撫眾伐寡等項在該道會同該鎮相機力行即永害可除而大功可奏矣本院復何言哉其重慶木價餘銀本院數內未入恐事完用之不盡又啓別端故也此繳

一件陳獻功賞輸忠圖報事布清軍兵守下川南三道呈議永寧宣撫奢効忠攻破凌霄不願領賞情願比例超錄具見本官義專

報効乞行本官益奮忠誠務期後効九絲  
成功奏凱之日聽各道呈議請

題陞宣慰隨從有功員役一體厚賞加官由詳  
批如議馬上行與奢効忠上緊督兵前來目今各  
寨已平獨餘九絲以待進取功成之後除特  
與

奏陞仍照格重賞隨從員役有功一體優異不許  
念仇惹釁坐失事機自貽後悔繳

一件軍務事叅將張澤揭稟稱督同昇兵進筆  
架山於麥易劄營連日與蠻血戰箭傷蠻  
數多柰蠻據險我兵仰攻不能斬首及云  
搶擄押運糧餉官夫由揭

批叅將之任不輕矣中武進士不爲不知兵矣身  
長六尺魁岸驚人不爲不雄壯矣柰何兵未  
劄而先容數十之蠻搶我運官殺我運夫若  
肯早分兵擺路焉有此失馬後興兵固爲可  
笑然使人心惶惑蠻且得志該叅之心安乎  
不安乎陳揚二知縣尚不進營其故何也本  
院之恩待奢効忠不爲不厚矣彼能感恩而  
奮勇乎血戰之說乃係常套但聞燒寨與蠻

平糶錄 卷之六  
一鬪耳此繳

一知州羅向辰稟稱各州縣解到牛猪酒脯等物委典史李瑤等押解及行發兵護運總鎮衙門收支大舉期的于十九日等項由稟

批董思明之事主將亦不能辭其責也已營雖整肅別營不然亦何用哉若十九日定攻可矣若再遲非本院之所能知也隴酋兵到否殊覺爲此酋所悞奈何此繳

一件軍務事守川西道呈繳奉票查守下南督糧二道事務回報照驗

批本院所問者乃近日督糧道出來分守道進去不定不便行文非問該道未來之先及沈叅議陪審錄時事也此又何待於問自今日以後督糧則該道仍舊而分守則沈叅議仍舊同舟共濟以期萬全坐鎮邊縣以安人心務使糧賞俱充運道無阻此外非本院所願聞也大抵各倉糧餉如有不足夫有不足此分守道之責而各營糧與夫有不繼皆該道之責幸毋忽焉此繳

一件請乞班師等事原任總兵郭成呈本職先  
年征剿倭寇得染濕氣舉發乞回調理詳  
批地方今雖盪平尚有逃匿深菁餘賊尚賴本官  
協同總鎮經理善後此請豈人臣矢心報  
國之忠慎終如始之敬仰布政司清軍道會同守  
巡二道查照前案作速議報以定衆情繳  
一件軍務事布清軍守巡下南三道呈條議九  
絲等處防守官兵行鎮叅衙門統攝由詳  
批防守官軍既經三道會議停妥依行該鎮督同  
郭張二將查照統攝聽總鎮調度搜捕哨守

并經理善後事宜繳

一件破圍獲功俯賜班師事兵巡下南道議呈  
留鎮雄并奢兵搜山其酉陽等各土司兵  
俱令班師請委官押回由詳

批如議次第班師廩糧犒賞行分守道查照議允  
支給預令沿途嚴加約束不許生事騷擾一  
草一木如違犯兵聽委官處斬各官併究仍  
行該鎮督率定留官兵勦捕畢日該道另議  
其各將官自主將而下俱候落武得空等處  
開通停妥方許出府宴待不得含糊丟下不

平蠻錄 卷之八  
審輕重功虧一篑繳

一件軍務事兵巡下南道呈議今奉班師其各  
土司官兵不許循舊自行起關各計程給  
與行糧及將運糧船隻盡發江安等處裝  
送以免騷擾地方由詳

批如議裁革土司關文行二道計給行糧以免借  
口騷擾其經過州縣本院先已通行寬備賞  
需該道仍馬上行文各處知會齊備空船就  
近催發督押將領東路用遊擊吳繼祖及督  
原押重慶忠州衛所官員分押西路用叅將

胡大賓及督原押寧番雅大鎮西衛所官分  
押有違犯者徑以軍法從事但各兵須待本  
院撫臨九絲次第查發犒賞已經批行二道  
其餘將領如沈茂等暫留者仍諭留另候本  
院定奪俱毋違錯此繳

一件軍務事分守下南道呈議行嘉定瀘州南  
溪江安合江等附近州縣派取里甲夫運  
餉由詳

批如議馬上嚴行各該州縣照數坐派速令自備  
兩箇月工食選委職官編定夫頭管押星夜

赴督糧道發營運餉目今兵齊立待舉事事  
寧定將各地方具

奏優恤如或遲悞頃刻官叅呈住俸吏拏問革役  
仍行各分巡道就近差人守催起程飛報毋  
緩

一件撫招流移等事高縣申招集逃亡人戶量  
給穀種牛隻安業由詳

批九絲已破招復流移使之安生樂業乃今日第  
一要務除本院具

奏破格優恤外乃今六縣之官獨何汝質畱心及  
此情詞懇切真爲民父母之心且其政事鑿  
鑿務實非苟言之得人如此雖有都蠻亦不  
足慮况已盪定乎仰分守下川南道從長議  
報

一件軍務事分守下南道呈據通判朱充開報  
查過羅星等四倉及長琪等六縣收貯米  
豆除尚堪久貯聽支防守官軍外其中等  
不堪久貯者查得六縣地方累被都蠻荼  
毒相應動支四萬石賑恤等項由詳

批如議防守官兵照舊例給准令預支其收貯者

如法看守應賑者行各委官秉公查散務令被害被累及窮困者復業者各沾實惠毋得假手作弊虛文搪塞查出叅究完日冊繳混爛者作速查處詳報

一件議築堡垣墩臺等事兵巡下南道呈議行各將領於戎縣起至各營寨每十里修墩堡一所督各本營官目照地方如法修築

詳

批各路設墩堡誠爲急務如議行該鎮并郭總兵張叅將各照分定地方上緊嚴督官兵堅固

修理果能如法先完者該道查實呈請獎賞如承委怠緩悞事者卽提究繳

一件議冠帶設把事等事兵巡下南道呈議行劉總兵及行敘州府將降夷羅萬良給與冠帶阿惹阿寅俱立爲把事令將奔潛殘蠻盡行招出報劉總鎮會同委官推官吳文全審實酌議區處以杜後患由詳

批羅萬良首先投降准給冠帶義官名色阿惹阿寅准立隊長名色諭令改心換腸永保首領如懷二心定行殺了該鎮知會繳



平蠻錄 卷之八  
一件軍務事兵守下南二道呈議委通判知縣  
把總等官朱充等丈量蠻賊田地冊報及  
撥及民兵等領種俟二年之後起徵詳  
批丈量一節係久安長治根本如議行委通判朱  
充知縣許一德等無憚險阻無厭勤勞悉心  
履畝踏勘編號分別肥瘠四至詳細冊報毋  
得草率遺漏混亂含糊致貽後患責有攸歸  
主將老於疆場矢心善後仍會同指點并嚴  
行各把總官帶領精兵隨從往來繳  
一件集議善後以裨安攘事布清軍并守巡下

川南等四道呈議復兵道任將領設府佐  
建城垣理疆土移守禦扼要害起民兵通  
道路設社學恤疲民等十議由詳

批據議善後事宜甚為精詳停妥足裨經久安攘  
之計仰候會

題明文施行但本院竊恐人情始勤終怠言易行  
難將致彼我共蹈欺罔之罪甚可懼也中間  
應舉行者該道鎮務念蕩平之難視為切已  
利害作速查照經理此乃自盡臣子之分以  
報

國家當無俟於他人督過者也此繳

一件軍務事鎮雄府申乞委官清勘山都相聯地界庶本府疆土不被侵紊由詳

批仰守巡下川南道會同總鎮卽查隴清所稱地界何故年久紊失前此何故不言一民尺土皆係

朝廷所有都蠻負固已遭剿滅疆土旣清何釁之敢生委官有無情弊報繳

一件叛蠻咬肘羣鬪希圖越獄事按察司呈犯人王彥時等招詳

批各蠻賊發監之時本院文行戒諭不爲不嚴矣乃典守員役尤不經心有此疎略情甚可惡各犯依擬贖完王彥時李承業各重責三十革職役爲民行布政司作缺除名呂士禎重責三十姑准還役陳崇華等各重責三十查照發落王愷罰雜糧二十石范承功高惟謙各十石倉庫收繳阿二等委的當官監斬梟示見監蠻賊嚴加用心看守

一件集議善後以裨安攘事兵巡下川南道呈議行總參等官分管兵將督修城垣及建

衙門舍宇估計該銀七千七百六十七兩  
零申乞行令敘州府并所屬宜賓慶符高  
珙長筠等縣各於庫貯堪動銀內照依分  
定數目動支解交委官收支買辦木料等  
項刻期修建由詳

批錢糧准動支各項俱如議行城垣重務速移文  
該鎮該叅嚴督官匠分修務極堅固以垂永  
久以資保障有能依限完報者重加獎賞過  
期不完苟且虛應者據法叅究匠作行各州  
縣文到卽刻解用遲悞者卽便叅官拏吏毋

得姑息各城基分守丈尺卽用石一塊鐫刻  
管工員役及匠作姓名仍登記冊上一應錢  
糧物料行通判朱充推官吳文全總理收支  
守巡二道須久駐其地稽察催督事完冊報  
該府各縣堪動銀兩有無足用預爲劑量勿  
致臨期缺誤所修

文廟一節甚是尚有坐營公署倉官宅舍旗纛廟  
演武廳營房諸費未見詳開再一議報又近  
據該鎮移稱將鎮城增足五百丈果然則錢  
糧似又當增議矣全在二道畱心耐苦造度

難盡繳

一件軍務事兵巡下南道呈議防守官兵月糧請乞批行守道照今推官吳文全查點過除私逃外用報實在止有一萬四千六百一十二員名戰馬七匹行令照舊銀米兼支放給由詳

批各該兵勇棄隘私逃律以軍法通當重處姑候本院臨營之日再行查明拏究其見在各軍兵諭令守法防禦用心修工聽候犒賞敢有私逃聽該鎮查明拏到營前斬首示衆仰分

守下川南道查照今覈實數支糧仍行兵巡道出示通諭知悉繳

一件母老患病懇乞奉例終養等事筠連縣申准該縣知縣任體道關乞放歸養親詳

批都蠻蕩平之後正賴六縣正官加意撫綏安集况本官廉勤公謹士民歸心身歸於君不得顧私家者分也仰照舊用心供職不得懈惰及瀆呈取罪繳

一件投天府張軍法等事珙縣申犯人劉尚學等招詳

批馮域倚強買鮓捏情妄申可惡姑從輕擬紙完發武寧山做工一月照舊防守劉尚學攜鮓冒易亦屬貧難准改的決追紙發落庫收繳一件地方事兵巡下川南道呈議行敘瀘二衛取軍夫與宜富等縣取里甲夫共三千餘名赴武寧修城其原撥兵夫聽劉總兵揀選掣調同張叅將統領前去將坑蠻寨殘蠻搜剿盡絕以杜後患由詳

批搜捕殘蠻十分緊要少有驚擾卽前功俱屬欺詐

朝廷矣如議行各衛縣取撥軍餘人夫以代修城量給行糧赴營照例日支工食其各該在營官兵行總鎮申嚴軍令督率速將餘孽盡殄一應賞格如原議行該道有地方專責靡不有初鮮克有終此本院與該道所當共念者不容差悞繳

一件乞豁寃役重苦事鈞連縣申革免弩手其防守操練見有民壯等因詳

批地方雖平殘蠻未絕該縣弩手若果得用尤勝於遠處調兵恐未可遽議裁革所慮原無工

平蠻錄 卷之八  
食難以久羈在官仰敘馬兵備道留心查議  
選用繳報

一件增建月城敵臺等事兵巡敘馬二道呈會  
議武寧城修建月城敵臺動支銀兩詳

批如議動支堅固修理務堪保障鎮城之工有日  
矣成而復壞有同兒戲未必皆泥田之故也  
既曠時日又費錢糧諸執事何以經理督察  
之繳

一件集議善後以禪安攘事兵備敘馬二道會  
議建武城修理行臺千百戶官公署西城

臺上官廳共該銀六百六十四兩零詳

批行臺所署委當及時增修銀兩悉如議動支其  
月城敵臺俟城工報完之後方行接續經理  
不惟工力易辦且緩急得宜仍先月城後敵  
臺可也凡築城基必用地樁堅大者密豎於  
下前項泥田城脚尤宜用此近稱築起屢壞  
豈或少此乎一查報不足銀數仰卽於瀘州  
庫貯民兵銀內動支繳

一件經略平蠻地方等事兵巡敘馬二道會呈  
都寧驛移駐上羅計仍行宜賓慶符高縣

長寧筠連等縣抽取原議夫馬於都寧羅  
洗武寧交界地方接替及召募加添支應  
銀兩由詳

批改都寧驛於上羅計以免偏累并各縣派撥夫  
馬於羅洗武寧接替調停甚當俱如議馬上  
先行遵照其後來發銀召募加添支應一節  
仰布政司會同驛傳道速議查報

一件軍務事布政司呈議改運軍餉糧米由詳  
批改運糧米支發軍餉應給夫船包價等項俱如  
議施行仍行各州縣務要首先徵解以濟支

用如有怠緩慢事該司卽叅官鎖吏重究至  
於載運船隻各掌印官尤須親自選驗堅厚  
中用者差委的當人員管押候用毋以不堪  
搪塞責有攸歸繳

一件慣惡番蠻裝塘擄官等事松潘兵備道呈  
撫處過空心等寨番蠻及議詳叅將胡大  
賓等指揮邊方靖曹希彬等千百戶王應  
選等應襲舍人總旗黃遇先等俱節次有  
功於松潘衛庫貯門稅銀動支一百二十  
四兩零分別獎賞內邊方靖免賊收俸路

繼勲免立功陣亡舍人張獻可再給埋葬銀六兩及將失事千百戶毛斌徐俊叅罰雜糧等因詳

批渠惡成擒餘黨效順地方底寧功可嘉尚除該道鎮併候敘薦外如議動支官銀胡大賓等四員宴待邊方靖准收俸回衛別用其免職聽另文行李承芳等分別獎賞優恤路繼勲准取回用黃遇先等准給帖冠帶諭令益加奮勇報効毛斌徐俊姑免叅照例量罰雜糧各三十石充餉仍各緝一繩重責四十大棍

以警因循曹希彬免究番酋報復該道鎮既嘗預言幸各有備姑置勿論今雖投降夷心叵測仰加意嚴行一鎮不許怠荒務要體恤主客軍兵勤哨東南南道路整飭關堡操練器藝常使有虎豹在山之勢方保無虞若恃其暫寧遂弛警戒一或不靖咎責誰歸各該領兵守把官員再三申令勿忽倉收繳一件城垣事兵巡下川道呈請武寧城東西南北城名由詳

批門曰東寧西寧南寧北寧樓曰鎮邊各如議大



書鐫扁施行繳

重刻確菴曾先生西蜀平蠻全錄卷之八終